


蒙古沿革志

家世學科考

準噶爾自噶爾丹死後其後三世亦皆梟雄能用其
衆乾隆十年準部又亂初噶爾丹策零有子三人
次子那木札爾以母貴嗣汗位童昏無行恣睢狂
惑其同母女兄約束之及稍長遂以纜幽其女兄
多戮宰桑于是其女兄之夫與諸台吉攻殪之立
其庶兄刺麻達爾札而大小策零兩部之裔則欲
擁立其弟策妄達什大小策零者皆名數多卜準
部同族台吉以謀勇為策妄父子兩世將兵西破
衛藏東摧蒙古之大功臣也故大策零之孫達瓦
齊與小策零之子什達^達瓦等皆為國人所嚮亦皆



為刺麻達爾扎所忌俄策妄達什與達什達瓦復
被翦鋤于是達瓦齊與其黨阿睦撒納奔哈薩克
阿睦撒納者故拉藏汗孫丹衷之子而策妄那布
坦之外孫也丹衷娶策妄之女先生子名班珠爾
而丹衷被戮復有遺腹改適輝特部前而生阿睦
撒納及長而狠矣陰徂見準噶爾部內亂欲搆使
內訌而已則乘其釁初謀擁立策妄達什不遂復
挾達瓦齊以逞刺麻達爾扎遣台吉將兵三萬搜
討二人於哈薩克期必護以除後患阿睦撒納遁
還舊游牧地而潛簡精銳一千五百由闐勒奇山

路裏糧盡伏夜行突入伊犁誘其心腹為內應遂
襲殺刺麻達爾札以已為和碩特種故國人未附
乃推立達瓦齊為汗達瓦齊族貴而無能旋為小
策零之孫濟噶爾所攻敗兩酋爭立各徵兵於部
落而諸部莫知適從遂大亂矣

阿睦撤納復為誘除濟噶爾而還達瓦齊於伊犁特
功益驕桀初四衛拉兵以伊犁為最強阿睦撤納
時為輝特台吉尼雅爾即塔爾巴哈台在伊犁極
北與哈撒克連界塔爾巴哈台
者蒙古語多水獺也在北其同母兄班珠爾為和碩特
伊犁東北一百里
台吉居庫爾烏蘇又取都爾伯特台吉達什之女

乃襲殺達什脅降其子納默庫而自遷帳於額爾
齊斯河阿睦撒納令行三部遂侵掠伊犁边境二
人復大隙達瓦齊三遣兵討之皆不克乃自領精
兵三萬壓額爾齊斯河又使其驍將瑪木特統烏
梁海兵八千東西夾攻阿睦撒納不能抗遂與納
默庫班珠爾二台吉共率所部兵二千口二萬東
奔叩關內附時乾隆十九年秋也

當達什達瓦之死其宰桑薩喇爾等率千戶來降達
瓦齊之篡其杜爾伯特台吉三車凌等率三千戶
來降

上詢悉其內亂先封降人卹其部衆

並調西北二路士馬屯邊而阿睦撤納復率輝特
和碩特杜爾伯特三部至

上久知其為部

衆所畏服可驅策為嚮導且天時人事輻輳宜乘
機大舉以雪

兩朝之憤詢謀于廷而群臣懲

雍正九年博克托嶺之敗以深入為險惟大學士
傅恒主用間出征與

上意合尚書舒赫德

定邊左副將軍策楞奉命收降輒請留其頭目於
烏里雅蘇台軍營而部落悉內徙使其不得聚而
生變

上斥其猜貳嚴謹之以尚書班第往

代俾暫游牧于喀尔喀之札卜堪河阿睦撤納入

觀熱河備言伊犁可取狀

上喜封親王

並封二台吉為郡王既準部驍將瑪木特見諸台
吉相疆內附必召大兵知準噶爾事不可為而達
瓦齊不可輔亦脫身來歸于是準部之爪牙心腹
盡至且指畫準部形勢如在目睫定議明秋大舉
直特伊犁阿睦撤納及瑪木特以為塞外秋稼時
我馬肥被馬亦肥不如以春月乘其未備且不能
遠遁可一戰以擒之無後患又準部東境以額爾
齊斯河與中國為界本杜爾伯特原屯地近搭阿
爾泰山可屯田以備餉宜先遣兵萬人據形勢而

大兵二萬整隊繼進

上從之二十年二月

西路出師班第為定北將軍出北路以阿睦撤納
副之額駙科爾沁親王色布騰郡王成袞雜布內
大臣瑪木特為參贊永常為定西將軍出西路薩
賴爾副之郡王班珠爾貝勒札拉豐阿內大臣鄂
容安為參贊兩副將軍各領前鋒三千先進將軍
參贊繼之降三車稜約默庫等皆以所部兵從兩
軍各二萬五千馬七萬匹西路出巴里坤北路出
烏里雅蘇台各携兩月之糧約會博羅塔拉河時
兩副將軍皆準噶爾渠帥建其舊纛先進各部落

望風崩角其同族大台吉噶爾藏多爾濟及舊回
酋和卓木先後迎降于是所至台吉罕柔或數百
戶或千餘戶携餽酪獻羊馬絡繹道左師行數十
里而無一人抗顏行者五月朔長驅至博羅塔拉
河距伊犁三百餘里兩軍皆會遂大破之達瓦齊
逾冰嶺南遁入回疆其下半途逃散僅餘百騎為
烏什城阿奇伯木克霍吉斯所擒以獻并獲前青
海叛逆羅卜藏丹津 上皆赦其死論功行
賞首獎大學士傅恒襄之功再加一等公固諱不
受班第封一等誠勇公薩賴爾一等超勇公而阿

睦撤^納晉封隻親王食双俸其後達瓦齊霍吉斯亦
皆賜封親王入旗籍又釋^故回首大小和草兄弟在
伊犁者使歸舊部于是天山南北二路皆定

初四衛拉之分部也綽羅斯治伊犁和碩特治烏魯
木齊都爾伯特治額爾齊斯土爾扈特治雅爾土
爾扈特北云輝特治之部各有汗非君臣之分也
自綽羅斯渾台吉汗強盛伊犁始為四部盟長抗
衡中國者數世 上欲俟事定仍衆建而分
其力而阿睦撤納志未饜必欲為四部總台專
制西域特欲出自 朝命則無浚患乃自昵于

額駙科爾沁親王使與班弟為難而以已情託其
歸奏時班弟鄂容安留伊犛筭善浚阿木撤納輒
隱以總自處擅誅殺擄掠擅調兵不服賜衣翎頂
不用副將軍印自用渾台吉菊形篆印移榭各部
落諱其降言統領滿漢蒙古來平此地又陰使哈
薩克布魯特流言非已總四部則邊不得安占其
党曉夜聚謀詭秘巨測將軍參贊先後密奏前有
旨令阿睦撤納于九月至熱河行飲至禮同
四部台吉受封而阿睦撤納前額駙約期七月下
旬俟命額駙歸不敢奏至期無信而入覲迫班弟

乃趣之行今喀爾喀親王額林沁多爾濟布之俱
旋奉 旨以阿睦撤納逆形已著宜乘其未發
誅之如已入都司追及則追誅之時阿睦撤納已
就道且有哈薩克貢使隨行班策恐哈薩克驚疑
遂不敢發阿睦撤納中途遷延及八月中旬尚無
信疑事且中變十九日行至烏隆古河距其札布
堪阿舊掛牧不遠乃詭言暫歸治裝以副將軍印
交額林沁使先行有降夷首其謀額林沁不信竟
縱之去田額爾齊斯河間進北逸遣使迎其孛於
礼布堪河則 上已密諭烏里雅蘇台軍營

并其弟班珠尔收之不半日而賊使果至得不遣

阿逆

以下皆
称阿逆

四出煽乱伊犁諸刺麻宰桑劫掠軍

台邊起應之時大軍已撤僅五百兵留伊犁归路

断又厄魯特与阿逆不合者阿逆先以計遣入朝
所留皆其党羽班第鄂容安等力戰走二百餘里
被圍死之時阿逆党羽不過二千餘屯博羅塔阿
拉河谷部皆不敢從副將喇薩喇尔陷賊中復潜
約宰桑刺麻與戰而將軍永常西路勁旅数千屯
于烏魯木齐附近台吉宰桑数千咸投赴驅使策
用之兼程征剿立可撲滅永常反疑懼退卻自水

壘南退軍巴里坤并移軍糧于哈密故北路無聲
援致阿逆益猖獗 上乃以先後勅除阿逆
密言及班等等狐疑之章奏亦中外黜額駙親王
爵赴軍效力賜額林沁自盡建永常治罪以第楞
代之玉保富德達爾党阿為參贊兩路遍進討逆
前後數十百戰大破之阿逆僅携八人徒步夜走
俄羅斯界我 朝移檄索之是冬報河逆患痘
死移尸於近邊 命喀爾喀親王侍郎三泰等
馳驗以聞于是命成衮扎布以定邊左副將軍歸
鎮烏里雅蘇台而兆惠富德留軍度冬將歷年剽

掠台站之瑪哈沁旬燭亂助逆之刺麻櫛比擒馘
 無遺焉計危魯特四部中惟杜爾伯特部徙科布
 多以東之拜達里克河以車稜始終無二乃保全
 又達什達瓦之妻當伊犁倣擾先率所部叩闕來
 投徙熱河編旂籍又念楞率所部二千竄土尔扈
 特皆得追誅而和碩特之沙克都汗不從叛率部
 自拔內投巴里坤復為都統雅爾沙善襲坑之

上旋鑿其枉于四部中為不幸也

準噶爾初有宰桑六十二即管新舊鄂拓二十四即

其汗之部屬也昂吉二十一即分支也乃各台集賽九辦